

# Taseraq Pingajuallu

**Ole Brandt**

Ungaluanik ilusiliisoq – Aka Høegh

## Immikkoortoq I

### 1.

Tulluartup oqaluttuarisaanerani oqaatigineqareerpoq ilaqutariisuit Taserelimmi aallaarsimasartut aallaarsimaffimmi tassani inunngortoqatuaramik nukappiaraq inunngortoq atseraat: Tase-raq. Inunngortup nalliuttorsiutigineqarnerani Paatuup oqaluttuai illarnartunik ilallit eqqaamaneqarluassagnarput.

Taseqqap ataatagaa Tulluartup nukaa Oquna, anaanagalugulu piniartorsuit Mikikkut qatanngutaat Qaajooq.

Taamani Taseraq inunngormat inuit neriartukaasut ilaat Taseq-qamut tunissutissaminnik nassartarsimapput. Ilaalli piareersima-soqanngitsut sanaqqaarlutik aqaguani aatsaat Taseqqamut pajus-simapput. Tunissutissaminnik aatsisut ippassaammat Paatuup oqaluttuaanut illakutsoorsimasut nerisat sinnersuinik nerisinne-qarput. Taavalu Taseqqap tunissutisiaasa ilaat eqqartulaarallarti-gik:

Taseraq inunngormat nalliuttorsiukutsoorsimasut aqaguani ul-laaralaannguaq ileqqumissut nataarnarniarlutik qaannamik aalla-kaapput. Ullorulaaliinnartoq Taseqqap angaavisa angajullersaat Miki Qaannamik allamik aappaqarluni tikisartorpoq. Sissaq tiki-lerlugulu timmut torlulaarpoq:

”Aana Taseqqap nataarnartassaa!”

Aterfigeriallaraanata nataarnarujussuaq angingaarami allerna aa-siit qernaluttuinnarsuaq pisarillarneramiuk! Tassalu taannarsuaq Taseqqamut tunniuppaa. Qaannap aappaa aamma pilerpoq:

”Aamma aana aappassaa!”

Taamalu oqarluni nataarnartarsuani Mikip pisaanit minnerulaa-ginnartoq aamma tunniuppaa.

Ullup ingerlanerani qajarpasuit tikeralerput nataarnanik kalit-torsuullutik mikinernillu usiarlutik. Tamarmik nataarnanik Ta-seqqamut tunissuteqarput – ilaasa arlalinngorlugit. Nalunnginna-mikku ilaqutariit taakku piliaat ukiumut isumalluutissaagaluit qa-noq amerlatigisut ippassaammat nungussimallugit Taseraq na-

taarnarpassuarnik tuniorarpaat, ullorlu taanna Taseraq nataarnanik 57-inik tunineqarsimavoq. Suliassat amerlangaarmata arnat piunnartut tamarmik ikiuullutik tisaartortorsuanngorput ippassaammatt nerersuartaianerminnut qujaniutitut.

Aaqqiukkut Aasiaat avannannguanni Maniitsumi najugallit ilaqutaasut Taseraq tunivaat qimmiaqqanik tallimanik qamuteerasaalu qilersuinnarissat. Isortormiut tunissutigaaq qajaarsuaq pisatassai tamarmik ineriikkat Taseqqap alliguni qajartornermut ilinniutissaa. Uummannarmiut Mikisulukkut meeraasa tunniuppaat nanuaqqap amia meqqui qangami qillaalunnguarsi – Taseqqap qarlistaa. Kamissai, qarlistai, natsissai aaqqatissaalu tunissutigineqarput, nalunanngilarlu arnat ilaat sininngitsoorlutik unnuaq tamaat mersorsimasut Taseqqamut tunissutissaminnik. Taamataaq nunaqqataasa Milattuukkut tunivaat pisissimik qulinik qarortalimmik. Taamalu aallaarsimasut Taseraq tamalaanik tuniorarpaat nukappiaqqap inunngortup piniartussatullu alliartortussap kissaatigisinnaasai tamakkerlugit.

Pajuttut ippassaammatt nerisat sinnersuinik nerisinneqarnerata nalaani arnaata Qaajup tupersuup iluani Taseraq milutsippaa nerittullu oqaluasaavi illarpaluttarnerilu tusarnaarlugit aliikkutarilluarlugit. Ernertaannguani milutsiitigalugu qungujulaartuarpoq illarnarluninartunillu oqarpallattoqaraangat illariartarluni.

Taseralimmi aallaarsimasut ileqqortik atorlugu Nassuttuumi ilorparterlutik tuttunniariillaramik Taseralimmut katersuuteqqipput.

Avissaartuunnissartik sioqqullugu timersuutinik tamalaanik unammisaqattaartorsuupput. Taavalu naggataarutaasumik qaannat sukkaniunniartorsuanngorput.

Taseqqap angutaa Oquna qaannat sukkanerpaat ilaginngisaanarpaat, kisianni angajua Tulluartoq sukkassutsimigut tamanit tusaamasaavoq. Inuusuttuaranngoqqaarmalli Tulluartup nukarsuani parruteqatigisarlugu ilinniartittarsimagaluarpaat sukkasuumik ingerlassaguni qasunaveersaassagunilu periaasissaanik ajoqersuullugu. Ilaanni sivisujaarsuarmik parrullutik ingerlaqatigiittarsimapput Tulluartoq tamaviaarani nukarsuarmi ingerlarna najoq-

qutariinnarlugu. Taavali nukarsuani sukkaagileraangamiuk Tulluartoq siuartsimavoq apuuffissamittullu aalajangeriikkaminnut pigaangami nukarsuani utaqqisarlugu. Tikiuttaraaq kiammik ippullugu annuttorsuulluni angajumilu qanorluunniit oqarfigigaluarangani akissanani.

Taama sungiusaruttulernermik nalaani ullut ilaanni pisimasoq isumaqatigiillutik kimulluunniit eqqaanngisaannagartik eqqaangaangamikku tamarmik uulikullattarput. Upernassalerluni sila alianaallisaleruttortoq unnukkut illorujussuarminni aliikkusersorlutik allunaaqattarlutillu qiterlermigaakkamik Oquna angajuminnut ajorsaqattaariami oqarpoq:

”Angajooraq, aqagu ullaannguaq Amaartut alanngorliata ikerasannguanut sukkaniukkisa! Kinamitaava siulliussava?” Ulluni kingullerni sukkaniuttarnerminni Oquna katataasaraluarluni kinguarpallaartarsimannigilaq. Isumaliulersimagunarmat nallersuusinnaalerluni Tulluartup akueriinnarsimavaa.

Aqaguani ullaaralaaq nunaqqatiminnit suli aallartoqanngitsoq nukariit sukkaniukkaluttuarlutik ikitilersullu Tulluartup nulia Arnartaq aterami aaqqatit qajartuutit uiminut isaallugillu pilorpoq:

”Uku puiguleralarpatit!”

Aaqqatit qajartuutit nuliata isaatai tassaapput Tulluartup taasartagai ”aaqqatinnaakka”. Aaqqatit taakku Tulluartup qajartornermik ilinniartitsisorisimasaata arnap qajartuumasup piniartorsuup Aqattap mersugarai. Aaqqatit taakku sukkaniuteqataaniale- raangami aatsaat Tulluartup atortarpai taamaammallu eriagilluinnarlugit. Oqartarsimavormi inuunini tamaat piginiarlugit. Ippassa- saq unnukkut innaramik nului oqarfigisimavaa aaqqatit taakku ul- laakkut aallaleruni atorummallugit. Taamaammatt puiguleralarai nuliata aqqullugit tunniuppai.

Oquna nuannaarluninartunillu oqarusertarluni aallariartorsimasoq annuleriataarpoq Arnartaq aaqqatit taakku uiminut tunniummagit. Asulu Arnartaq taamaajuitsoq aaqqatit atillugit uini aallaraluttuortorlu qungasiagut eqillaataa kunippaa oqarfigalugulu:

”Mianersorniarna!”

Nukariit sukkaniullutik aallarmata Arnartaq sissap qulinngua-  
ni qeqartuarpoq tarrinnissaasa tungaannut. Majuarluni iseraluara-  
mi uniffeqanngilaq. Annilaangasorujussuartut pissusilersorpoq  
oqatuaraangamilu erinaa sajuttarluni. Sakiata Panissaap malussare-  
qisup ukussami annilaanganera erseqqippallaaqimmat ullup inger-  
lanerani apererusuummertaraluarpa imminulli nangartarluni.

Qatsunganersuup qeqqani Innalissuaq alanngoqqullugu nukariit  
sukkaniuttorsuupput. Aallarsimatsiaannarlutilli ingerlaqatigiim-  
mersorsinnarlutik Oquna siuarsimavoq. Innaq apparluit inigisar-  
tagaat nallilerlugulu kingumut qiviarpoq angajuni katangaatsiar-  
simallugu. Aallaleramik Tulluartoq nukkaminut oqarsimavoq si-  
nilluarsimannnginnami timini tamarmi eqartuinnaasoq. Inuum-  
marliukujussorinarnera iluatsillugu Oquna aallarsarluaannarpoq.

Apparluit inaat suli qaangernagu Tulluartup nukarsuani saneq-  
qutillaataa siuariartulerpoq. Aaqqatit iluarilluinnakkani atorami-  
git Innalissuup karra uiariarlugu ingerlagami Amaartut alanngor-  
liata ikerasannguata nerukinnersaanut pigami nukarsuarmi nuif-  
fissaata tungaanut saareerluni utaqqilerpoq.

Utaqqimmersullarlugu Oquna nuivoq qasusimagunarami arrin-  
ngivilluni. Angajuni takugamiuk sangullaataa pisinnaasani tamaat  
aallarsarpoq. Angajuata sioraani ileqqumisut qungujulaarluni utaq-  
qivaa. Taavali sulersoq-una! Tulluartoq taama pisussamik ilima-  
sunnnginnermit qisuariannngitsorluunniit Oqunap anguigarsua Tul-  
luartup talerpia'tungaatigut paatai attungajalluinnarlugit sorrukka-  
mi! Tulluartoq misigaaq anguikkani tigoreerlugu nukarsuanilu qi-  
suariaqqinnani kaassaliinnarpoq nipeeraannngitsumik torlulaarlugu:

”Suleqaat, silaaruppit?”

Oquna kaassaligami angajuni nallerlugulu talini illuttut siaar-  
lugit uppiffigiusaannarlugu eqippaa qiasorujussuanngorlunilu.  
Tulluartup oqaqqinnanilu qiasorujussuaq tiggummiinnalerpaa. Ti-  
maa tamarmi sajuttuinnaangorluni Oquna qiarsuataarpoq. Sivit-  
sortoq qiannarmi oqarniaasaarpoq:

”Angajoorak, periannngikkaluarpagit, kamariataarnersuarmaa-  
na... isumakkeerfigisinnaavinga?”

”Soorunami nukarigakkit isumakkeerfigaakkit. Kingorna ino-  
qaternut kimulluunniit taamaasiorniaqinak!”

”Angajoorak, ilumoorlunga neriorsorpakkit, taamaasiunngi-  
saannassaanga!” Taama oqarlunilu Oquna sajuttuinnaangorluni  
qissaseqqippoq.

Tulluartup annilaarnerminik qaangiilertortup eqqissisimarpa-  
luilluni nukki oqarfigaa:

”Timinnguatsinnut tulanniarallarta!”

Qungasiusannguumut tulakkamik nunamut nallarlutik nukariit  
oqaloqatigiipput isumaqatigiillutillu pisimasoq tamanna kimul-  
luunniit oqaatigineqassanngilluinnarpoq. Oquna nassuerpoq suk-  
kaniunnerminni katataagamili aaqqatit Arnartap angajuminut tun-  
niussai aarnussatut isigisani eqqarsaatigileriannguarlugit angaju-  
ni apuuffissaminnut tikereersimalluni tungiminut sammisoq nui-  
gamiuk tassanngaannarsuaq nangarsinnaannngisaminik kamaam-  
mersimalluni. Kisianni oqarpoq angajuni ersitsatseriaannarlugu  
eqqoriarnagu anguikkani naakkiussimallugu eqqungajalluinnar-  
luguli. Naakkiariillarlunilu aatsaat iluamik silattorsimanerpoq.  
Avalatsinnatik qatanngutigiit neriorsoqatigiipput pisimasoq ki-  
mulluunniit oqaatigineqassanngilluinnarpoq Oqunalu inummut  
kimulluunniit taamaasioqqissanngilluinnarpoq.

Tassalu ilaqutariit taakku oqaluttuarisaanerannit naluneqanngi-  
laq neriorsuut taanna eqqortinneqarsimasoq. Taamaallaat Oqunap  
toqulerami ernerminut Taseqqamut nassuerutigisimavaa ernilu  
oqarfigalugu inuunermini inoqatiminut kimulluunniit ajunngitsu-  
innarmik iliortaqullugu.

Tassalu maanna Taserallimmi sukkaniunnissarsuaq aallartinnialer-  
mat Oqunap angajuni tikiseriarlugu pilerpaa:

”Angajoorak, aasaq manna Taserallimmi aallaarsimanerput nu-  
annerpallaaqaaq. Nalunngilarma qaannanut sukkasuunut angum-  
massinnaannngitsunga. Tinuteqisaarmiuusugut ajugaateriarluar-  
niartigut, illit Mikilu kisissi isumalluutaavusi!” Tulluartup piler-  
paa:

”Neriulluaraluarniarit! Inuummarilluinnarlugu misigaanga.

Aasaq manna nalliuttorsiuutigineqarnerput nuannerpallaaqimmat tamaviaaraluassaanga!”

Taama oqarlunilu nukarsuani misilinniaannarlugu eqqaminniittut tusaasassaannik pilerpaa:

”Unga ilittut maani ernertaarsimagaluaruma siulliullunga tikeqqajaqisunga!”

Qangaappat kamaammerfissaraluanu Oquna illalaaramiliuna!

Aallaarsimasut utoqqartaat ”taamaattoorniariartoq” qajarpasuit aallartrukkamik seqinnarissuarmi paataat qangami qillaalattannguarsi! Aallarsimatsiaannarlutik ilaat siuaallariivipput. Tinuteqisaarmiut pakatsisimallutik malugaat ajugaasussatut ilimaginerpaasartik – Tulluortoq – suna pissutigisimanerlugu saneqquatilluni kingullerpaanut ilaalersoq.

Sukkaniuttut ingerlaallaramik qeqertat Simiuttat kangilernanut tarrialerput ilaat assut kingulerullutik.

Simiuttap karratigut nuialillarmata Taseralimmiut pissangasorsuanngorput-aasiit. Qaannat tallimat ingerlaqatigiiginnangajallutik siulliupput. Ikaalersullu erseqqissumik takuaat qaannap ataasip angujartorlugit malikkai. Malimmersorlugit angugamigit avaqqullugit saneqqutillaatai tupinnaannartumik sukkaorsuulluni siuariartulerpoq – soorlumi malitsini kingumut supuuginnara! Qaannat tallimat tullersortut akornannit aamma qajaq ataaseq ilaminit siuariartulerpoq qajarli siullinnngortoq angujartunngilluinnarlugu.

Taamaasisullu Taseralimmi aallaarsimasut utoqqartaat sukkanuuttunik aallaqquisimasoq oqarpallappoq:

”Allaanaviannigilaq Tulluortoq. Qaannamik allamik taama sukkatigisumik takusassaqqanngilagut!”

Uunga palligutieriallartoq qajaq aallarsarsimavoq! Kinguata usuusaanit imaq avungangaatsiarsuaq tissalulersimavoq! Ingerlarna takorannerinermi nasittut ammut aallariannnguaraluarput tassaana sissamut tulareersoq! Sukkaruttormat atertut ilaasaluunniit inortorpaat – Tulluortoq qungujulaarluniluuna!

Aterfiortorpassuarnut ilaapput erneri pingasut angajulliit marluk qajartuumasukasinngoreersut. Tupinnangilarlu qungujulam-

mata ataartik sukkaniuttuni kingullersanngoraluarsinnarluni ila-  
ni tamaasa katagarlugit ajugaarujussuarmat – ataataq tulluusi-  
maarnartorsuaq!

Meeqqat qajartortartut sukkaniunnialermata Tulluortukut erneri angajulliit marluk ilaasussaapput. Akkaavata Erneeqqap qaanniuussimavai iluserilluinnartunik Tulluortup qajaata sanaami iluseqaterluinnaannik.

Aallartussanngoramik qajaaqqat ikitereersullu Tulluortup malugaa erni angajulleq – atilik Merlertoq – annilaangasorujussuusoq. Taamaammatt oqaluuppaa annilaangaqqunagu ilitersuussutigisartakkani eqqaamaannaqqullugit aallaqqaarsimalerunilu tamaviaaqqunagu nukini sipaarniassammagit.

Qaannat inersimasut qanoq pisoqariataassagaluarpat ikiuiniartussat akuttoqatigiissaarlutik aqputissaannut inissitsitereermata ”taamaattoortoqariartoq” qajaararpassuit ataatsikkorluinnaq aal-  
larterupput ilaat erngerlutik siuariartulereerlutik.

Aggiinnalersullu Taseralimmiuttut pissanganartorsiorlutik avaal-  
laarpaluttalereerput. Qajaaqqat sisamat nalleqqatigiiginnangajal-  
lutik siullinnngorsimapput. Kingornanni qajaararpassuit parrussu-  
ataarput seqinnarissuarmi paataat qillaarpaluttuinnaallutik. Ta-  
makkulu qujagisallit taamungaannaq aqarpaluttaraat! alianaas-  
suup qeqqani arnarpassuit ataatsimukanneq eqiterullutik igaartor-  
torsuupput sukkaniutereernermi nerersuaatissanik.

Tassalu ungasikkunnaarlutik qajaaqqat siulliit sisamat ilaat  
ataaseq siuariartulerpoq – Taseralimmiorsuit ingallutik nilliuk-  
kamikku! Ilaasa tamaviaaqalutik malikkaluarpaat siuaagalut-  
tuinnarluguli. Uunga qanillisorlu Tinuteqisaarmiut utoqqartaat  
Asarpat nilliasut saneqqutiinnarlugit nipeeraanngitsumik nillera-  
mi:

”Merlertoq-una, paarnera isigisiuk! Tulluortumik angusisaa-  
taa!”

Qajaaraq sukkatsikkaluttuinnarluni tikisartulermat suna tamar-  
mi tusarfiujunnaarpoq inuit nillianerannit. Sissamut majorassaa-  
ginnalersoriniarlugu tassannaannaq talerpimminik uteriarujus-  
suarpoq kusanavissumillu talilluni. Talinniariartoq Tinuteqisaar-

miut angutitaasa tiggukkamikku qajaanut atatillugu kiveriarlugu nuannaartorsuullutik sissap timinnguani ivigarinnersamut ilivaat.

Merlertoq, Taseqqap illortaavisa angutini angajullersaat, qajaaqqat sukkaniunneranni aamma ajugaasuugallarujok. Sulili niliunneruaat nukarsua sukkaniuttut nukarlarsaannut tulliusoq siullernut sisamaalluni tikimmat! Nukappiaraq taanna angusisarami pinnensorujussuuvoq. Kiaguntermik nujarsuani takisuut qupperartuinnaangorsimallugit niusorlu Asarpap appiuppaa:

”Tassa taanna peruleruni angumminit inornerungaarnavianngitsoq!”

Aasaq taanna Taseqqap inunngorfia ilaqutariissuit oqaluttuarisaaneranni taamaasilluni puigunaatsut ilagilerpaat.

## 2.

Ilalumi arni Qaajoq immugimmat Taseraq alliartupiloorpoq – asulu pualakkuloqaluni! Taamaammat marlunnik ukioqangajalerluni aatsaat pisunniapalaartorsuanngorpoq. Alloqqaarmat angajoqqaavi nunaqqatiminnik nerersuartitsipput. Illoqatigiit quiagiluinnaarpaat Taseraq marlunnik alloraluarlunilu orlugami qianis-sallaataa orluffini assaararsuarminik unatarmagu – sunaaffa tassa kingornamut ileqqussaa – orlullunilu orluffini unatartarlugu!

Tassalu pisupalaartorsuanngormat illortaavisa Tulluurtukkut meeraasa ingasavillutik aliikkutarilerpaat – pingaartumik nukappiaqqat nukarlarsaata atillip Pingajuat. Taassuma illortaajararsuani taanna nuannarinermi alarneq sapingajappaa.

Taamalu Taseraq alliartulerpoq angusisarluinnarluni – narra-riataallaqqilluni! Illup iluani silamiluunniit orluguni kisianniuna qianissaatigaluni orluffini assaannarminik unatarlugu. Taamaammat illortaavisa ingasangajattumik allaat sammisarilerpaat orlunngillatualeraangallu ilaanni piaralugu orluffissaliuuttarlugu orluffimminik unataasarnera illarnartinnermit. Taseraq orluguni qianissallaataa kamaammerluni orluffini unatarluniuk nikuissimat-siarlunilu saammarlunilu. Asulu illortaami quianartumik oqarfigigaannilu isaarutivilluni qungujuttaraaq.

Angutaa Oquna nukappiararsuugallarami taamatorluinnaq pissusilersorluni allisarsimavoq angajuminit marlunnit saamasorsuar-nit, Erneeqqamit Tulluurtumillu, allaanerulluinnarluni – narrajasor-suulluni. Ataatami Tukajaap akkaassamilu Kikilap kinngusaqat-taarnermik ilinniartimmani makeriaraluarluni makinngitsooruni kamattorsuanngussaaq. Makitinneqarlunilu niuguni tuilini peer-naguluunniit majuartaraaq – anaanaminut unnerlukkiartortoq. Iseruni kamassimanermi qiasuarpaluttuinnaalluni oqartaraaq:

”Ataatakkut-una angajoorara kisiat iluamik ilinniartittaraat uangalu iluamik ilinniartissananga!”

Oquna taama oqarlunilu tuilini atorlugu illermut palugaangat arnaata sallaalleruloorluni oqarfigisaraa:

”Ataguaasiit ilikkallarumaarpat!”

Arnami taama oqarfigigaanilu Oquna pallungatsiariarluni maseriatartaraaq qillaallavillunilu aniartulerluni. Taama pallungatsiarnermini paasisarsimagunarpai makinngitsoorami suut kukkussutigisimallugit. Tassalu ateruni qaanni aqqueteriarlugu ajungilluinnartumik kinngusaqattaaleraraaq – sunami ajortussaq! Qiimannguassaaq illarnarluninartunillu oqartarluni – soorlu aat-saanguummat kamakutsoorsimanngitsoq!

Tassalu Taseraq alliartorpoq angunni assigerluinnarlugu – kamallaruni tassuugunnguaq saammartaraaq!

Ilaqutariissuarnit tusaamasaasunit kiserluinnarmi Taseralimmi inunngortuunera ilaatigut pissutigisimanerlugu nunaqqatigiit tamarluninarmik assut aliikkutaralugu sammisaraat. Angaavisa pinartorsuit Mikikkut sapertorujussuuaat pisaqarunillu tamatigut toqqarlugu taallugu tajarnissittarlugu – aarfip tajarnersuarigaluarpagilluunniit. Tassali tajarnertoraluarnermik saava qillapalittuinanngartorpoq orsupalimmik. Angineruleriarmalli arnaata peqqissaartorsuup allarutissittalerpaa atisaminullu peqqissaarussinisaaanik ilinniartillugu. Taseraq ilikkajasuugami aasiillimi saava orsupalikkunnaarpoq.

Kisianni tassa ajornaqaaq, atini eqqortillugu taseqqanut sumik silaqanngilaq – aniguni naloraarnersuaq kisiat! Ullormut qasseriarluni kamii arnaata taarsertaraluarnerpai oqaallugulu naloraarपाल-laaqqunagu. Naloraanngitualaeraangat illortaavisa ussiataarlugu naloraartinniarsarilersaraat taseqqami ikkattunnguami – isittorlu qimarrallutillu! Qiarpalua tusarlugulu arnaata annivigisaraa qorlortuinnaalluni angerlartoq. Illup tunuata tungaanut tikkuartorpat arnaa alakkassaaq illortaavi illarusunnermik nunusuinnakasiullutik illup qarmaanut taleqqasut. Inerterpatik ullut arlalinnguit ilusaarfigieriarlugu aamma tassa naloraartillugu kingumut illarniarfigilersaraat!

Taamaammat Taseraq alliartorpoq arnaminut assut suliaqutaalluni. Kamii qarliillu arlalippassuit manisimajunnaarnej ajorput

panersiat – tassalimi Taseraq taseqqereruttormat!

Ullut ilaanni illortaavata nukarliup, Pingajuata, eqqutierialla-raa Taseraq aasiit qorlortuinnaavoq – sisseraluni isillarnerami! Arnaata aanaatalu utoqqarsuanngoraluarluni sulii inuummarilluinnartup, Panissaap, ikioqatigiillutik atisaajalerlugulu aanaa oqarpoq:

”Soormiuna aamma Taseqqamik atersimagiga – sunaaffa suliaqutissarput!”

Taseraq atisaarutivissinnarlugu pinaattukassak imermik nillertumik marluullutik uffarpaat. Taseraq qianngarmi issuartoralual-laraaq. Uffareerlugu atisalersoreeramiuk sulii qiasukassak arnaata appiuppa:

”Soorlumiaasiit anusinguuumissasooq!”

Taseraq milukutsooriarluni aniumallermat arnaata aanaatalu oqaluuppaat atali taseqqereqqunagu. Anngaakutsooriarluni anivoq. Sivitsutaqanngitsoq Pingajuata eqqutieriallaraa aamma tassa masammik qorlortuinnaavoq qiarpalussualu tusaqqoornaannarluni. Tamatumuuna arnaata tigugamiuk taamak annippaa. Allamut ingerlatinngilaa taseqqamut naloraarfigisartagaanut. Taserarsuaq naloraarfigisartagaa tikillugulu arnaata puuttaarterlarpaa. Naammatsivilluni puuttaartereeramiuk nuluisigut pateriarlugu angerlaappaa eqqukkamiullu atisaarutivillugu atisaajarsinnarlugu illermut ajaasaannavillugu qaqitillugu. Illermi palluinnarluni Taseraq qiasuatsianngorpoq. Arnaa allamik oqartarinngilaq:

”Soorlumiaasiit anusinguuumissasooq!”

Taama pineqarnini killigalugu Taseraq aalajangerpoq taserarsuaq naloraartarfini orneqqikkumanagu. Ullut arlalissuit qaangiupput Taseraq kiisami panerluni isertarluni. Arnaa kammeriunnaamigami malugusuttuatsianngorpoq.

Ullut arlalissuit qaangiukkualuurtullu Taseqqap naloraartarfini kingumut ussarnartorsiorfigeqqilerpaa. Kisianni ornileraluarlugulu anaanaminit puuttaartinneqarnini eqqaariarlugit allamut sangusaraaq.

Taseraq taseqqamut isittarfimminut anusingorsimalermat illortaavisa ilaseralugu ussiataartaraluarpaat, kisianni Taseraq pi-

sassaangilaq. Taamaaleriarmat illortaavi qajaasalioriarlutik taserarsuarmi tassani pinnguarterput, Taseqqallu illumik eqqaanit tusaasarpai qanoq nuannisaarpalutsigisut. Nukappiaqqanik allanik ilaqartaramik isitalaartoqaraangat illarpaluttarneri Taseqqap tusaasarpai assullu alakkiartorusuttalerlugit.

Tassalu piukkuutsattaleriannguarluni ullut ilaanni taseqquerisunut orniguppoq.

Tikiuttorlu illortaavisa qajaasasaanik tunivaat. Nukappiaqqat taseqqap sinaanut aqueriarlutik ataatsikkorluinnaq qajaasatik ajattarpaat sukkaneeqqisaatsillugit. Taseraq aallaqqaataani isiginaaginnaraluartoq pillugu pillugu ilaliuppaat. Taama aallartitseriarnerit arlaanni Taseraq assororiarpallaarluni taseqqamut siaaviluni pangallattupalaarsuuvoq. Qaqitinniaanni Taseraq qianissarlunilu sanguterami taserarsuaq orluffini kamaallugu ujaqqamik milullaraalu illortaavi illarusunnermik tunuinnaramilliuku!

Taseraq masammik suunani qiallunilu eqqunneqarmat arnaata sukangaallalluni orneriaraluaruaa uiata Oqunap pilerpaa:

”Ajunngilaq, isittarniarli! Imarsiortussaagami sungiusarniasaaq, atisassaminillu ajorsannguassanngilaq!”

Uini taama oqarmat arnaata allamik sunnagulu atisaajiarlugu atisai panertunik taarserpai. Manna tikillugu angunni aallarsimatillugu isittarsimagami tikissimatillugu aatsaat isissimalluni naammattoortikkami naveersissasoraluni qunoruttorluni Taseraq angumminit ajorineqannginnami assut toqqissiallappoq.

### 3.

Taseraq arfineq-marlunnik ukioqalerami qajartuallaqqissukasinnorpoq. Ilinniartinneqalerami pikkorliorlunilu ingasavilluni narajasorsuuvoq – kamakkuni kamakkuni!

Ilaanni angutaa aallarsimasooq akkaata Tulluurtup meeqqani kinngusaqattaartinniarlugit Taseraq isiginnaariarluni ilaajumamat akueraa. Taseraq isiginnaartuliullugu Tulluurtukkut erneri kinngusaqattaarput – asulumi nukappiaqqat taakku eqaaqalutik. Illortaani kinngusaqattaartut Taseqqap qungujulaarluni isiginnaarpai assut usorigunarlugit.

Angunni tikissimalersoq unnukkut pulaartorpaaluit isersimassut Taseraq taaka oqariataarpoq:

”Ataatakkut tuilittaartinniarsinga, illortaakka kisimik kinngusaqattaartarnaviangillat!”

Angutaa akerianngitsoq angaarsuata Mikip pilerpaa:

”Uagut tuilittaartissavatsigit! Mersornera inerniariarpat pissavat!”

Taseraq angamminut piniartorsuarmut nuannaartorinnilluar-tuugami taama tusaraluarluni isaarutivilluni qungujuppoq arna-minullu paluinnarluni.

Taamaasimmat Mikip oqaatsini nangippai:

”Taseraq, angaarpit kinngusaqattaarnermik ilinniartikkumaar-paatit. Makinngitsooraangavit narrattallariaanak!”

Aqaguani persorisorsuarmik kianngartorsuuvoq. Nunaqarfimmiut aallartoqanngillat.

Aamma aqaguani anorersuaq qumaallassimanani taamaattu-arsinnarpoq. Angutit uninngakatalersut aniiginnaraluarlutillu Miki pilerpoq:

”Nukappiaaluttavut inuusuttuarartavullu taama piukkunnarti-gisut immaqaana isiginnaartilaaraanni! saqqatsinnut immeriarto-qisa!”